

Dogri News Bulletin

27 October 2024 18:15 Hrs

Headlines

- प्रधानमंत्री नरेंद्र मोदी होंरें अपने 'मन की बात' कार्यक्रम च डिजिटल गिरफ्तारिएं दे नां पर चलै करदी जालसाजी पर चैंत जाह्न कीती ऐ।
- 'मन की बात' कार्यक्रम च प्रधानमंत्री होंरें मकामी सांस्कृतिक विरासत गी बढावा देने च जम्मू-कश्मीर दी कैलीग्राफी कला दी भूमिका पर लोऽ पाई। प्रधानमंत्री होंरें उधमपुर दे सारंगी वादक गौरी नाथ हुंदा बी 'मन की बात' च जिक्र कीता।
- लेफ्टिनेंट गवर्नर मनोज सिन्हा होंरें 2047 तगर विकसित भारत दे लक्ष्य गी हासल करने च योगदान देने च युवाएं गी गुजारश कीती। एल.जी राश्ट्री एकता दिवस ते जम्मू-कश्मीर केंद्र शासित प्रदेश दे स्थापना दिवस दिएं तैयारिएं दा जायजा लैता।
- प्रदेश च कल्लै थमां सतर्कता जागरूकता सप्ताह मनाया जाग। मुख्मंत्री उमर अब्दुल्ला होंर सरबंधत अधिकारिएं गी अखंडता दी संगंध चुकाडन।

<><><><><><>

PM-Digital Arrest

प्रधानमंत्री नरेन्द्र मोदी होंरें डिजिटल अरेस्ट कन्नै सरबंधी धोखाधडी पर डूगी चिन्ता जाहिर कीती ऐ। अज्ज आकाशवाणी पर प्रसारित अपने मन की बात कार्यक्रम च मोदी होंरें आक्खेआ जे जांच अजेन्सियां राज्य सरकार कन्ने रलिए इस पेठा कम्म करा र दियां न तां जे नेई धोखाधडिएं गी होने थवा रोके जाई सकै। उनें गलाया जे कनून मूजब डिजिटल अरेस्ट सरबंधी कोई प्रावधान नेई ऐ। प्रधानमंत्री होंरें डिजिटल सुरक्षा आस्तै त्रै उपाएं दी चर्चा कीती। एह उपा न-रुको, सोचो ते करो। प्रधानमंत्री होंरें लोकें गी आक्खेआ जे जेकर कोई नेहा मामला

सामने ओन्दा ऐ यां उनें गी कोई नेई परेसानी दा सामना करना पौन्दा ऐ तां ओहू 1930 पर डायल करी सकदे न, ते ओहू इनें अपराधें दी जानकारी cybercrime.gov.in पर करी सकदे ना। प्रधानमंत्री होरें आक्खेआ जे इय्ये नेहू जतनें ते सौहगा रौहने कन्ने जिडिटल सुरक्षा गी यकीनी बनाया जाई सकदा ऐ। अपने अज्ज आले सम्बोधन च प्रधानमंत्री होरें सोशल मीडिया पर आत्म निर्भर भारत ते नमिं काहडे बारे गल्ला सांझियां करने लेई गलाया। उनें आक्खेआ जे इस त्यौहारें दे मौसम च असें गी खरीददारी करदे बैल्ले वोकल फार लोकल गी ध्यान च रक्खना लोडचदा। प्रधानमंत्री होरें अपने संबोधन च कैलीग्राफी दा बी जिक्र कीता। उने आक्खेआ जे अज्जकल जम्मू-कश्मीर च मुकामी संस्कृति गी लोकप्रिय बनाने आस्तै कैलीग्राफी दा इसतेमाल होआ र'दा ऐ। उने अनंतनाग दे फिरदौसा बशीर दा जिक्र कीता जिनें गी कैलीग्राफी च महारत हासिल ऐ। उने इसदे राएं मुक्मी संस्कृति दे बक्ख बक्ख पहलुए गी उजागर कीता ऐ। मोदी होरें आक्खेआ जे इस चाल्ली दे जतन उधमपुर दे गौरीनाथ होर बी करा र दे ना। ओहू इक सदी सोयां बी मती परानी सारंगी दे राएं डोगरा संस्कृति ते विरासत गी बजाने ते ओहूदे संरक्षण च रुज्जे दे ना। उने आक्खेआ जे पूरे देशे च ऐसी असाधारण प्रतिभा आले केई सारे लोक न जेडे अपनी प्रतिभा कन्नै मुकामी धरोहर दा संरक्षण करा र दे ना। इन्दे इलावा बी प्रधानमंत्री होरें केई सारे पैहलुएं ते विशे र गल्ल कीती। प्रधानमंत्री नरेन्द्र मोदी होरें इस बरे 31 अक्तूबर गी देयाली ते सरदार पटेल हुन्दी जयंती दा बी जिक्र कीता। उने आक्खेआ जे इक्के दिन दवै चीजां न ते इस री रन फॉर यूनिटी इस बरे 31 अक्तूबर दे बजाए 29 अक्तूबर गी आयोजित कीती जागा। मोदी होरें मन की बात कार्यक्रम च धनतेरस, देयाली, छठ पूजा ते गुरुनानक जयंती दियां शुभकामना दितियां।

<><><><><><>

PM-Calligraphy

प्रधानमंत्री होरें अपने संबोधन च कैलीग्राफी दा बी जिक्र कीता। उनें गलाया जे अज्ज कल जम्मू-कश्मीर बनाने ताई कैलीग्राफी दा इस्तेमाल कीता जा करदा ऐ। उनें अनंतनाग दी फिरदौसा बशीर दा जिक्र कीता जिनें गी कैलीग्राफी च महारत हासिल ऐ। उनें एहूदे रायं मुकामी संस्कृति, संस्कृति दे बक्ख-बक्ख पहलुएं गी उजागर कीता ऐ। श्री मोदी होरें आक्खेआ जे इससै चाल्ली दी कोश्ट उधमपुर दे गौरीनाथ बी करा करदे ना। ओहू इक्क सदी थमां परानी सारंगी राय डोगरा संस्कृति ते विरासत गी सांभियै रखने च जुटे देना। श्री मोदी होरें आक्खेआ जे समूलचे देसै

च बडे मते लोक न जेडे अपने हुनर कन्नै मकामी संस्कृति विरासत दी राखी हिफाजत करदे होई उसी सांभयै रक्खा रदे ना।

<><><><><><>

Udhampur-Sarangi

जम्मू संभाग दे वरिश्ठ सारंगी वादक गौरी नाथ हुंदा जिक्र अज्ज प्रधानमंत्री होरें अपने मन की बात कार्यक्रमै च कीता। इस पर अपनी प्रतिक्रिया दिंदे होई उधमपुर दे बसनीक गौरी नाथ होरें प्रधानमंत्री हुंदा धन्नवाद कीता। उनें आखेआ जे हून नौजवानें गी इस प्राचीन संगीत उपकरण ते एहदे नै जुड़ी दी संस्कृति बारै जानकारी मिलोग।

<><><><><><>

PM-Fit India

मन की बात कार्यक्रम च प्रधानमंत्री होरें फिट इंडिया बारै बी गल्ल कीती। उनें संदोख प्रगट कीता जे भारत दे लोक फिटनेस बारै जागरूक होआ करदे ना। उनें गलाया जे फिट इंडिया दी भावना हुन इक्क जन आंदोलन बना करदी ऐ। उनें गलाया जे बरखा दे बावजूद श्रीनगर च योग दिवस दे मौके पर नेकां लोक योग करने आस्तै किट्टे होए हे। श्री मोदी होरें स्कूलें च फिट इंडिया स्कूल आर्स गी इक्क नूठी पहल दस्सेआ। प्रधानमंत्री होरें आखेआ जे स्कूलें च पहला घंटा फिटनेस दियां गतिविधियें आस्तै इस्तेमाल होआ करदा ऐ। उनें मन की बात कार्यक्रम च धनतेरस, देयाली, छठ पूजा ते गुरुनानक जयंती दियां शुभकामनां बी दित्तियां।

<><><><><><>

Jugal

जम्मू लोकसभा थमां सांसद जुगल किशोर शर्मा होरें रियासी दे दौरे दौरान उत्थुआं दे पार्टी दफ्तरै च अज्ज कार्जकर्ताएं कन्नै मन की बात कार्यक्रम सुनेया। श्री शर्मा होरें कार्जकर्ताएं गी संबोधित करदे होई आखेआ जे मन की बात नेया कार्यक्रम ऐ जेदे च प्रधानमंत्री होर सिद्धे जनता बश्कार जाइयै अपने अनुभव ते सुझा आम जनता

सामने रखदे ना। उनें गलाया जे प्रधानमंत्री नरेंद्र मोदी नेय प्रधानमंत्री न जेड़े आम लोकें दे दुख-दर्द, तकलीफें गी जाति तौरा पर महसूस करदे न ते इलेक्ट्रानिक एयर ते प्रिंट मीडिया रायं हर म्हीने दे खीरले ऐतवार अपने देसै दी जनता बश्कार जाइए गल्ल कथ करदे ना।

<><><><><><>

PM-Infantry Day

प्रधानमंत्री नरेंद्र मोदी ते रक्षा मंत्री राजनाथ सिंह होरें अज्ज इंफैंट्री सेना दे सब्बनें रेंकें ते दिग्गजें दी बेजोड़ दिलेरी ते जोश जज्बे आहली भावना दी सराहना कीती। सोशल मीडिया दी इक्क पोस्ट च श्री मोदी होरें आखेआ जे पैदल सेना दे जवान म्हेशां गै कुसै चाल्ली दे बी हालात दा मकाबला करने लेई पक्के धैय्ये कन्नै खड़ोते दे रौहंदे ते देसै दी सुरक्षा गी यकीनी बनांदे ना। प्रधानमंत्री होरें आखेआ जे पैदल फौजी बल दलेरी ते कर्तव्य दा नचोड़ ऐ जेड़ा हर भारतीय गी प्रेरित करदा ऐ। श्री सिंह होरें इस गल्ला पर जोर पाया जे उंदी दलेरी, वीरता ते बलिदान सब्बनें गी प्रेरित करदा ऐ।

<><><><><><>

ते हुन बाकी दिएं खबरें कन्ने विजय बजाज।

LG-Education

उपराज्यपाल मनोज सिन्हा होरें नौजवानें गी जीवन च नमां लक्ष्ये तय करने च गतिशील, मुकाबले आहला माहौल ते ज्ञान दे मंच दा लाहू ठोआने दा अज्ज आह्वान कीता। श्री सिन्हा होरें आखेआ जे इस महान राष्ट्र दे नौजवानें गी विकसित भारत 2047 दे विजन गी सच करने च योगदान देना लोड़चदा ऐ। ओहू अज्ज शेरे कश्मीर कृषि विज्ञान टैक्रोलाजी यूनिवर्सिटी स्कास्ट कश्मीर च अमर उजाला समूह आस्सेआ आयोजित मेधावी छात्र सम्मान समारोह गी संबोधित करा करदे ना। तोआई, एल.जी मनोज सिन्हा होरें राजभवन च राष्ट्री एकता दिवस, रन फॉर फन एकता कार्यक्रम ते जम्मू-कश्मीर केंद्र शातिस प्रदेश स्थापना दिवस दे सरबंधै च कीता जा'

रदियें तैयारियें दी समीक्षा आस्तै इक्क बैठक दी प्रधानता कीती। श्री सिन्हा होरें इनें कार्यक्रमें गी अमन-रमानदारी ते सुचारू ढंगै सिर मनाने आस्तै सब्बे लोडचदे प्रबंध यकीनी बनाने दे निर्देश जारी कीते।

<><><><><><>

LG-Terrorism

उपराज्यपाल मनोज सिन्हा होरें आखेआ जे जम्मू कश्मीर च आतंकवादी चुनौती कन्नै निबडने लेई नमीं रणनीति तैआर कीती गई ऐ। हुमहमामा एसटीसी च बीएसएफ रंगरूटें दी पासिंग आउट परेड गी संबोधत करदे होई उपराज्यपाल होरें आखेआ जे सरकार मजूद ते उपलब्ध संसाधने ते अपनी पूरी समर्थ कन्नै आतंकवादिएं दे पूरे पराते तंत्र गी खत्म करने लेई वचनबद्ध ऐ। उनें आखेआ जे सरकार दी तरजीह बीएसएफ, सेना, पुलस ते होरने अजेंसिएं बश्कार नेडमा तालमेल बनाने पर ऐ। श्री सिन्हा होरें आखेआ जे पाकिस्तान जम्मू कश्मीर च आतंकवादी गतिविधिएं गी बढावा देने ते उनेंगी अंजाम देने दिएं नापाक कोशशसं करा'रदा ऐ जे सरकार ते सुरक्षाबलें दा मकसद आतंकवाद गी जड थमां खत्म करना ऐ ते ऐसा माहौल तैआर करना ऐ जित्थें नागरिक अपने सुखने ते आसे तांगें गी पूरा करी सकन। सिन्हा होरें आखेआ जे घाटी च जिन्ना बी मसूम लोकें दा खून बगाया गेदा ऐ ओहदी हर इक बूंद दा परता लैता जाग ते आतंकवाद दे पूरे पराते तंत्र गी खत्म करने आस्तै पूरी समर्थ दा इस्तेमाल कीता जाग।

<><><><><><>

Vigilance-Week

जम्मू-कश्मीर सरकारै कल संगारें 28 अक्तूबर गी औपचारिक संगंध चुक्कने आहले समारोह कन्नै विजीलेंस जागरूकता हफ्ता 2024 मनाने दा ऐलान कीता ऐ। मुख्मन्त्री उमर अब्दुल्ला होर श्रीनगर सचिवालय च सी.एम चेंबर दे मीटिंग हाल च बडुलै 11 बजे ईमानदारी दी संगंध दोआडन। सब्बै प्रशासनिक सचिवें गी इस मौके पर मुख्मन्त्री हुंदे कन्नै शामिल होने लेई साद्दा दित्ता गेआ ऐ। जम्मू च मौजूद सचिव ते होर दुए आला

अफसर इत्थुआं गै कार्यक्रम दा हिस्सा बनडन। इंदे अलावा डिविजनल कमिशनर, डी.सी ते मैहकमे दे अध्यक्ष अपने-अपने दफ्तरें थमां वीडियो कांफ्रेंसिंग राएं कार्यक्रम च शामिल होडन। इनेंगी अपने-अपने मैहकमे दे अमले गितै इस्सै चाल्ली दी सगंध चुक्कने आहले समारोह दा सरिस्ता करने लेई आखेआ गेआ ऐ।

<><><><><><>

Brig. Rajinder Singh

कश्मीर दे राक्खे ब्रिगेडियर राजिंद्र सिंह हुंदा शहीदी दिवस उंदे पैतृक गांस रजिंद्र सिंह पुरा बगुना, साम्बा च मनाया जाग। स्थानीय विधायक सुरजीत सिंह सलाथिया होरें बी इस कार्यक्रमै च हिस्सा लैता। इस मौके पर बोलदे होई विधायक होरें आखेआ।

<><><><><><>

RSS-Foundation

राश्ट्री स्वयंसेवक संघ आरएसएस दे 99में स्थापना दिवस गी मनांदे होई पुंछ इच संघ आस्सेआ इक्क पथ संचालन दा सरिस्ता कीता गेआ। एह कृष्ण चंद्र बाग पुंछ थमां रम्भ होइयै डुंगास, नखा वाली रोड, हाथी थन बजार, मेन बजार, पुराने पुंछ बस अड्डे थमां लंघदे होई पुंछ दे कॉलेज मैदान च मुकम्मल होआ। इस मार्च गी आरएसएस दे प्रांत प्रचारक मोहिंद्र सिंह होरें झंडी दस्सियै खाना कीता हा। मार्च दा मकसद संगठन दे बल दा प्रदर्शन करना ते सरहदी इलाकें दे बसनीकें गी जागरूक बनाना हा जे ओहू स्टाडी सरहदें दी हिफाजत च सेना दी किश चाल्ली मदाद करी सकदे ना।

<><><><><><>

Tech. Dr. J. Singh

विज्ञान ते टेक्नोलॉजी मैहकमे दे केन्द्री मंत्री डाक्टर जीतेन्द्र सिंह होरें आखेआ ऐ जे 2035 तगर भारत दा अपना अंतरिक्ष केन्द्र होग जिसे भारती अंतरिक्ष स्टेशन दे नांउ कन्नै जानेआ जाहग। कल नमीं दिल्ली च भारती अंतरिक्ष अनुसंधान संगठन-इसरो ते बायोटेक्नोलॉजी सरबन्धी विभाग बश्कार सैह्यती पत्तरै पर दस्तखत कीते जाने दे मौके पर डाक्टर सिंह होरें एह घोषणा कीती। इस सैह्यति पत्तर दा मकसद जैविक-टेक्नोलॉजी गी अंतरिक्ष सरबन्धी टेक्नोलॉजी दे कन्नै संगठित करना ऐ जेह्दे'नै देसै च साईसी खेत्तर च नमिणं काह्डें आहले इक नमें जुगै दी शुरुआत होग।

<><><><><><>